


**STATUT**  
**ISLAMSKJE ZAJEDNICE BOŠNJAKA U ŠVEDSKOJ**

---



**STATUT**  
**ISLAMSKJE ZAJEDNICE BOŠNJAKA U ŠVEDSKOJ**

# STATUT

## ISLAMSKE ZAJEDNICE BOŠNJAKA U ŠVEDSKOJ

---

Na temelju odredbi člana 13. i člana 41. Pravilnika o organiziranju IZ u BiH u dijaspori, Skupština Islamske zajednice Bošnjaka u Švedskoj na svojoj sjednici održanoj u gradu Jönköping, dana 24. marta 2018. godine, usvojila je:

### **Statut Islamske zajednice Bošnjaka u Švedskoj**

#### OPĆE ODREDBE

##### Član 1.

Islamska zajednica Bošnjaka u Švedskoj, u daljem tekstu IZBUŠ, predstavlja Islamsku zajednicu u Švedskoj, koju sačinjavaju Bošnjaci i drugi muslimani organizirani u džemate. Pod džematom, u smislu prethodnog stava, podrazumijeva se džemat koji je formiran i registriran u Švedskoj u skladu sa zakonima Švedske i ovim statutom.

##### Član 2.

IZBUŠ je samostalna organizacija i ima svojstvo pravnog lica, koja svoje djelovanje temelji na Kur'an-i-kerimu, sunnetu Muhammeda, alejhi-s-selam, islamskoj tradiciji Bošnjaka i zahtjevima vremena, te Ustavu Islamske zajednice u Bosni i Hercegovini, zakonima Švedske i ovim statutom.

U tumačenju vjere i izvršavanju ibadetskih islamskih dužnosti organizacione jedinice i organi IZBUŠ-a primjenjuju maturidijski akaid i hanefijski mezheb, staraju se za ispravno razumijevanje i življenje islama, štite vjerska prava muslimana te osiguravaju uvjete za prenošenje emaneta s ciljem da svi pripadnici Islamske zajednice žive u skladu s islamskim normama, a što se ostvaruje promicanjem dobra i odvrćanjem od zla.

Službeni jezik unutar IZBUŠ-a je bosanski jezik.

##### Član 3.

Cilj IZBUŠ-a je da, u duhu islamskog učenja, čuva i razvija vjerski život među muslimanima u Švedskoj te da ih podstiče na vjerske i humanitarne akcije.

##### Član 4.

Svoj cilj IZBUŠ postiže:

- osnivanjem džemata u Švedskoj,
- jačanjem materijalne osnove IZBUŠ-a,
- organiziranjem vjerske pouke,
- organiziranjem džuma-namaza, teravijah-namaza, bajram-namaza, dženaze-namaza, šerijatskih vjenčanja, akika i drugih vjerskih aktivnosti,
- organiziranjem islamskih tribina i predavanja,
- podsticanjem ženskog aktivizma,
- izdavanjem i distribucijom islamskih edicija,
- brigom o kvalitetnom vjerskom kadru,
- dosljednim provođenjem odluka, zaključaka i uputstava viših organa IZ u BiH,
- prikupljanjem zekata i sadekatu-l-fitra,
- organiziranjem odlaska na hadž i umru,
- saradnjom s organima vlasti i drugim vjerskim zajednicama u Švedskoj,
- propagiranjem trezvenosti i zahtijevanjem od svojih članova da budu potpuno trezveni u skladu s Kur'anom i Sunnetom,

# STATUT

## ISLAMSKE ZAJEDNICE BOŠNJAKA U ŠVEDSKOJ

---

- njegovanjem bosanskog jezika u skladu s Deklaracijom o bosanskom jeziku, koju je usvojio Sabor IZ u BiH i
- svakom drugom korisnom djelatnošću usmjerenom na vjersko, kulturno, obrazovno, socijalno i ekonomsko uzdizanje muslimana u Švedskoj.

### FINANSIRANJE

#### Član 5.

IZBUŠ se finansira:

- procentom prikupljene članarine vjernika u džematima (hardži muhaseba) na osnovu Pravilnika o jedinstvenoj članarini i vjerskim uslugama,
- procentom prikupljenog zekata i sadekatu-l-fitra u džematima,
- procentom prihoda od prodaje edicija,
- dobrovoljnim novčanim i drugim prilozima i pomoći članova džemata, pojedinaca te ostalih zajednica, društava, ustanova i sl. i
- drugim sredstvima koja IZBUŠ realizira svojim radom.

Ovlašteni potpisnici dokumenata u ime IZBUŠ-a su pojedinačno: predsjednik, sekretar i blagajnik.

### ČLANSTVO I ČLANARINA U IZBUŠ-u

#### Član 6.

IZBUŠ se sastoji od džemata. Džemat podnosi pismeni zahtjev za prijem u članstvo i obavezan je priložiti:

- statut koji ne smije biti proturječan ovom statutu,
- registar svojih članova i
- ostalu dokumentaciju potrebnu za osnivanje džemata, a koju je propisao IZBUŠ.

Postojanje uvjeta iz prethodnog stava rješenjem utvrđuje Izvršni odbor IZBUŠ-a. Odluku o prijemu džemata u IZBUŠ donosi Skupština IZBUŠ-a.

Članom džemata / IZBUŠ-a može postati svaki građanin koji prihvati ovaj statut i na osnovu Pravilnika o jedinstvenoj članarini i vjerskim uslugama potpiše pristupnicu za plaćanje članarine putem Porezne uprave. Članom džemata / IZBUŠ-a se prestaje biti na vlastiti pismeni zahtjev ili isključenjem zbog grubog kršenja odredaba ovog statuta. Odluku o isključenju donosi Skupština IZBUŠ-a na prijedlog IO IZBUŠ-a ili skupštine džemata kojem član pripada.

### DŽEMAT

#### Član 7.

Džemat je osnovna organizaciona jedinica na području IZBUŠ-a.

Džemat u pravilu sačinjava skupina od najmanje 200 muslimanskih domaćinstava međusobno povezanih u izvršavanju islamskih dužnosti.

Pod domaćinstvom iz prethodnog stava podrazumijevaju se svi članovi IZBUŠ-a koji žive na istoj adresi.

Odluku o osnivanju, spajanju ili ukidanju džemata donosi Rijaset na prijedlog Izvršnog odbora IZBUŠ-a.

# STATUT

## ISLAMSKJE ZAJEDNICE BOŠNJAKA U ŠVEDSKOJ

---

### Član 8.

Naziv džemata sadrži puni naziv IZBUŠ i mjesto sjedišta džemata.  
Džemat je obavezan koristiti vizuelni identitet (logo i znak) IZ u BiH.  
Džemat ima pečat okruglog oblika sa znakom IZ u BiH na kojem je napisan naziv džemata.

### Član 9.

Džemat ima statut koji donosi Skupština džemata kojim bliže uređuje organizaciju i rad džemata.

Džemat je dužan svoj statut dostaviti Izvršnom odboru IZBUŠ-a na mišljenje o usklađenosti sa statutom IZBUŠ-a, koji isti dostavlja Rijasetu na saglasnost.

Skupština IZBUŠ-a izrađuje, usvaja i donosi standardizirani džematski statut ili okvirne statutarne odredbe za džemate u svom sastavu, na koji saglasnost daje Rijaset Islamske zajednice.

Odlukom Skupštine IZBUŠ-a džemat se obavezuje na primjenu standardiziranog džematskog statuta ili okvirnih statutarne odredbi.

Standardizirani džematski statuti ili okvirne statutarne odredbe trebaju sadržavati sljedeće:

- jedinstvene ciljeve i svrhe udruženja koje se registriraju kao džemat,
- regulativu koja osigurava poštivanje Pravilnika o radu imama u Islamskoj zajednici,
- regulativu koja osigurava dekret reisu-l-uleme kao uvjet za upošljavanje imama,
- regulativu koja osigurava zaštitu vakufske imovine.

### Član 10.

Organi džemata su skupština i džematski odbor.

Standardiziranim džematskim statutom ili okvirnim statutarne odredbama mogu biti predviđeni i dodatni organi džemata.

### Član 11.

Status imama, uvjeti za prijem u službu, prestanak službe, način rada, prava i obaveze te druga pitanja od značaja za rad imama uređuju se posebnim aktom koji donosi Skupština IZBUŠ-a, a koji mora biti usklađen s Pravilnikom o imamima Islamske zajednice i na koji saglasnost daje Rijaset.

### Član 12.

Skupštinu džemata sačinjavaju svi punoljetni članovi džemata. Skupštinu džemata saziva džematski odbor, a njenim radom predsjedava radno predsjedništvo koje se bira na početku sjednice.

Skupština donosi odluke većinom glasova prisutnih članova, izuzev odlučivanja o statutu džemata koji se donosi dvotrećinskom većinom prisutnih članova.

Skupština džemata je nadležna da:

- donosi odluke koje se tiču organizacije i aktivnosti džemata i vjerskog života u džematu,
- bira članove džematskog odbora, zastupnike u Skupštini IZBUŠ-a i članove ostalih organa koji su predviđeni standardiziranim džematskim statutom ili okvirnim statutarne odredbama,
- pokreće inicijativu za izgradnju ili kupovinu objekata džemata,
- daje prijedloge džematskom odboru za preduzimanje mjera u cilju poboljšanja vjerskog života u džematu,
- razmatra izvještaj džematskog odbora o njegovom radu i ocjenjuje njegov rad i
- obavlja i druge poslove iz svoje nadležnosti.

# STATUT

## ISLAMSKE ZAJEDNICE BOŠNJAKA U ŠVEDSKOJ

---

### Član 13.

Džematski odbor ima pet članova u džematima do dvije stotine domaćinstava i sedam u džematima s više od dvije stotine domaćinstava.

Članovi džematskog odbora moraju biti potpisnici pristupnice i plaćati članarinu putem poreza.

Prilikom izbora članova džematskog odbora vodi se računa o participiranju ženske populacije i mladih.

Predsjednik džematskog odbora bira se iz reda članova džematskog odbora od strane džematskog odbora na konstituirajućoj sjednici.

Predsjednik džematskog odbora predstavlja džemat u administrativnim, finansijskim i imovinsko-pravnim poslovima.

Imam je član džematskog odbora po položaju i predstavlja džemat u stvarima vjere.

Džematski odbor je nadležan da:

- osigurava uvjete za vjerski život u džematu,
- provodi odluke Skupštine i viših organa Islamske zajednice,
- vodi brigu o imovini džemata,
- u koordinaciji s glavnim imamom učestvuje u odabiru imama u džematu,
- daje inicijativu po zaključku Skupštine za pribavljanje potrebnih odobrenja i investiciono-tehničke dokumentacije za izgradnju, rekonstrukciju i popravku vjerskih objekata u džematu,
- podnosi Skupštini džemata izvještaj o radu i finansijskom poslovanju,
- dostavlja Izvršnom odboru IZBUŠ-a plan rada, plan budžeta, izvještaj o radu i izvještaj o finansijskom poslovanju i
- obavlja i druge poslove iz svoje nadležnosti.

### Član 14.

Ukoliko Izvršni odbor IZBUŠ-a utvrdi da džematski odbor ne vrši poslove za koje je nadležan na odgovarajući način, donijet će odluku o raspuštanju džematskog odbora i naložiti Skupštini džemata da izabere novi džematski odbor u roku od 30 dana.

Do izbora novog džematskog odbora funkciju džematskog odbora vršit će tročlano povjereništvo koje imenuje Izvršni odbor IZBUŠ-a.

### Član 15.

Imovinu džemata čine vakufska dobra, imovinska prava, novčana sredstva i druga imovina.

Imovina džemata služi za djelatnosti kojima se postiže cilj Islamske zajednice i ne može se koristiti u druge svrhe.

Imovina džemata ima status vakufske imovine na koju se odnose pravila i propisi Islamske zajednice u BiH o vakufskoj imovini.

### Član 16.

Džemat u okviru IZBUŠ-a ima pravo:

- sudjelovati u radu organa IZBUŠ-a preko izabраниh predstavnika,
- biti informiran o aktivnostima IZBUŠ-a i
- pratiti rad IZBUŠ-a i davati prijedloge za unapređenje njenog rada.

### Član 17.

Džemat u okviru IZBUŠ-a ima obavezu:

- provoditi sve odluke, zaključke i uputstva IZBUŠ-a i viših organa IZ u BiH,

# STATUT

## ISLAMSKJE ZAJEDNICE BOŠNJAKA U ŠVEDSKOJ

---

- blagovremeno izvršavati sve svoje finansijske obaveze prema IZBUŠ-u,
  - osigurati materijalne i druge uvjete za funkcioniranje svih dijelova džemata u skladu sa statutom i
  - plaćati članarinu IZBUŠ-u
- Članarinu džemata prema IZBUŠ-u regulira Pravilnik o jedinstvenoj članarini i vjerskim uslugama.

### ORGANIZACIJA.

#### Član 18.

Organi IZBUŠ-a su:

- skupština,
- izvršni odbor i
- komisije.

U okviru IZBUŠ-a mogu se osnivati udruženja. Saglasnost za osnivanje i statut udruženja daje Skupština IZBUŠ-a.

#### Član 19.

U sastavu IZBUŠ-a djeluje omladinska organizacija Bemuf, koja obuhvata članove IZBUŠ-a između 6 i 27 godina starosti. Da bi bili punopravni članovi i u IZBUŠ-u, punoljetni članovi Bemufa obavezni su potpisati i pristupnicu za plaćanje članarine putem Porezne uprave na osnovu Pravilnika o jedinstvenoj članarini i vjerskim uslugama.

### SKUPŠTINA

#### Član 20.

Skupština je najviše predstavničko tijelo IZBUŠ-a.

Redovna skupština održava se svake godine do kraja mjeseca marta.

Skupštinu čine izabrani zastupnici džemata na osnovu broja članova koji su potpisali pristupnicu i plaćaju članarinu putem poreza po sljedećem principu:

- džemati koji imaju više od pet stotina domaćinstava imaju pravo na četiri zastupnika, od kojih je jedan imam,
- džemati koji imaju više od dvije stotine, a manje od pet stotina domaćinstava, imaju pravo na tri zastupnika, od kojih je jedan imam i
- džemati koji imaju manje od dvije stotine domaćinstava imaju pravo na dva zastupnika, od kojih je jedan imam.

Zastupnici moraju biti potpisnici pristupnice i plaćati članarinu putem poreza.

Članovi Izvršnog odbora IZBUŠ-a ne mogu biti zastupnici na skupštini.

Džemat koji nije u potpunosti proveo skupštinsku odluku o prelasku na naplatu članarine putem poreza nema pravo glasa na Skupštini.

Džemat koji nije izmirio finansijske obaveze prema IZBUŠ-u u toku godine, također gubi pravo glasa na Skupštini.

#### Član 21.

Skupštinu saziva i vodi predsjednik Skupštine kojeg bira Skupština iz reda svojih članova na mandat od četiri godine.

Predsjednik Skupštine potpisuje akta Skupštine, saraduje s Izvršnim odborom u realizaciji nadležnosti Skupštine te obavlja i druge poslove iz domena svoga rada.

# STATUT

## ISLAMSKE ZAJEDNICE BOŠNJAKA U ŠVEDSKOJ

---

### Član 22.

Skupština može raditi i punopravno odlučivati ukoliko joj prisustvuje natpolovična većina zastupnika. Ukoliko u vrijeme kad je zakazan početak skupštine ne prisustvuje potreban broj zastupnika, zasjedanje Skupštine se prolongira za jedan sat. Nakon toga, Skupština počinje s radom bez obzira na broj prisutnih.

### Član 23.

Skupština odlučuje većinom glasova prisutnih zastupnika. Izuzetak je odlučivanje o izmjenama i dopunama statuta IZBUŠ-a, koje Skupština usvaja dvotrećinskom većinom prisutnih zastupnika.

### Član 24.

Skupština IZBUŠ-a:

- određuje opće smjernice rada IZBUŠ-a,
- donosi statut IZBUŠ-a na prijedlog Izvršnog odbora, na koji saglasnost daje Rijaset Islamske zajednice,
- razmatra i usvaja izvještaje o radu organa IZBUŠ-a,
- usvaja plan rada i donosi budžet,
- bira i razrješava organe IZBUŠ-a,
- donosi opće normativne akte,
- prema potrebi osniva komisije i radna tijela za pojedine poslove iz svoje nadležnosti i
- obavlja i druge poslove od interesa za IZBUŠ.

### Član 25.

Vanredna sjednica Skupštine održava se ukoliko to zahtijeva najmanje trećina džemata ili ukoliko Izvršni odbor zaključi da je neophodno održati vanrednu sjednicu skupštine. U oba slučaja predsjednik Skupštine obavezan je da zakaže Skupštinu.

## IZVRŠNI ODBOR

### Član 26.

Izvršni odbor je najviši vjerski i administrativno-upravni organ IZBUŠ-a i čine ga:

- predsjednik IZBUŠ-a, koji je, ujedno, i predsjednik Izvršnog odbora,
- glavni imam,
- predsjednik Bemufa,
- predstavica žena,
- pet stalnih i
- tri rezervna člana;

Predsjednik IZBUŠ-a bira se tajnim glasanjem na Skupštini, na osnovu ponuđenog programa rada i razvoja IZBUŠ-a.

Glavnog imama postavlja i razrješava reisu-l-ulema, na prijedlog muftije za Evropu, na mandat od četiri godine s mogućnošću ponovnog imenovanja.

Predsjednika Bemufa bira Skupština Bemufa.

Ostale članove Izvršnog odbora bira Skupština IZBUŠ-a na prijedlog Izborne komisije.

Od ukupnog broja redovnih članova Izvršnog odbora obavezno je da najmanje trećina, a najviše polovina budu nosioci vjerskog autoriteta. Isto pravilo važi i za rezervne članove.

Na konstituirajućoj sjednici članovi Izvršnog odbora između sebe biraju potpredsjednika Izvršnog odbora, koji pomaže predsjedniku i mijenja ga u njegovoj odsutnosti.

# STATUT

## ISLAMSKJE ZAJEDNICE BOŠNJAKA U ŠVEDSKOJ

---

Izvršni odbor IZBUŠ-a zapošljava sekretara, blagajnika i druga potrebna lica putem konkursa.

### Član 27.

Izvršni odbor:

- koordinira i daje uputstva za rad džemata,
- stara se o uvjetima i potrebama cjelokupnog vjerskog života na području IZBUŠ-a,
- stara se o zaštiti vjerskih prava članova Islamske zajednice na svom području,
- organizira i nadzire vjerske djelatnosti, aktivnosti islamskog obrazovanja i podučavanja vjeri,
- koordinira i provodi aktivnosti koje se odnose na prikupljanje zekata i sadekatu-l-fitra, kurbana i hadža u skladu s uputstvima Rijasetu,
- izvršava odluke i provodi uputstva Skupštine i najviših organa Islamske zajednice,
- utvrđuje prijedlog statuta IZBUŠ-a,
- predlaže Skupštini godišnji plan rada i po usvajanju radi na njegovoj realizaciji,
- predlaže Skupštini budžet i po usvajanju radi na njegovoj realizaciji,
- brine o prihodima i imovini IZBUŠ-a,
- organizira vjerske aktivnosti i svečanosti,
- saraduje s vladinim i nevladinim institucijama u društveno-političkim procesima u pogledu islama i muslimana u Švedskoj,
- saraduje s drugim islamskim zajednicama i muslimanskim organizacijama u Švedskoj,
- sudjeluje u međureligijskom dijalogu s kršćanskim i drugim vjerskim zajednicama u Švedskoj,
- koordinira izgradnju i održavanje džamija i drugih objekata Islamske zajednice na svom području,
- pomaže u osiguravanju sredstava za materijalne i finansijske potrebe džemata,
- godišnji plan rada, izvještaj o radu, budžet i izvještaj o izvršenju budžeta, usvojen od Skupštine dostavlja Rijasetu Islamske zajednice,
- radi na realiziranju stavova i zaključaka IZ u BiH koji se odnose na islamske zajednice u dijaspori,
- najmanje jednom godišnje organizira savjetovanje s predstavnicima džemata,
- najmanje jednom godišnje organizira seminar za aktivne žene u džematima IZBUŠ-a,
- aktivno stimulira i podstiče ženski aktivizam,
- prema potrebi osniva komisije i radna tijela za pojedine poslove iz svoje nadležnosti,
- pokreće proceduru i muftiji za Evropu predlaže kandidata(e) za glavnog imama i
- obavlja i druge poslove po nalogu viših organa Islamske zajednice.

### Član 28.

Ukoliko neko od članova Izvršnog odbora nije u mogućnosti duže (3 ili više mjeseci) obavljati svoju dužnost ili ako mu iz bilo kojih razloga prestane mandat, Izvršni odbor će iz reda rezervnih članova Izvršnog odbora kooptirati novog člana Izvršnog odbora, a na mjesto tog rezervnog člana kooptirati sljedećeg po broju glasova s liste kandidata za Izvršni odbor.

### Član 29.

Predsjednik Izvršnog odbora provodi i izvršava odluke Skupštine i Izvršnog odbora, predstavlja Zajednicu u i izvan Švedske, uspostavlja kontakte sa sličnim organizacijama i institucijama. Za svoj rad je odgovoran Skupštini i Izvršnom odboru.



# STATUT

## ISLAMSKJE ZAJEDNICE BOŠNJAKA U ŠVEDSKOJ

---

### GLAVNI IMAM

#### Član 30.

Kao glavni vjerski autoritet na području IZBUŠ-a, glavni imam obavlja sljedeće poslove:

- tumači islamske norme,
- zastupa i predstavlja IZBUŠ u vjerskim stvarima,
- nadzire i koordinira rad imama i pruža im stručnu pomoć,
- kontrolira rad mekteba i preduzima mjere za otklanjanje uočenih nedostataka i predlaže Izvršnom odboru i Rijasetu Islamske zajednice preduzimanje potrebnih mjera za unapređenje rada u ovim oblastima,
- organizira vjerske aktivnosti i svečanosti,
- izvršava odluke i upute reisu-l-uleme i najviših organa Islamske zajednice,
- održava hutbe, vazove i prigodna predavanja u džematima,
- vodi brigu o cjelokupnom vjerskom životu na svom području,
- vodi brigu da odluke Izvršnog odbora budu u skladu sa šerijatskim propisima,
- podnosi izvještaj Rijasetu Islamske zajednice o stanju u mektebskoj nastavi, vjeronauci i stanju vjerskog života na svom području najmanje jednom godišnje,
- pokreće inicijativu za postavljanje, premještanje i razrješenje imama, hatiba i muallima,
- provodi smjernice, uputstva i naloge muftije za Evropu i
- obavlja i druge poslove iz svoje nadležnosti

### KOMISIJE

#### Član 31.

Reviziona komisija se sastoji od tri člana i ima zadatak da vrši reviziju finansijskog poslovanja IZBUŠ-a.

#### Član 32.

Izborna komisija se sastoji od tri člana i ima zadatak da pripremi prijedlog kandidata za sve organe IZBUŠ-a.

#### Član 33.

Statutarna komisija se sastoji od tri člana i ima zadatak da pripremi prijedloge za izmjene i dopune svih normativnih akata IZBUŠ-a.

#### Član 34.

Komisija za ženski aktivizam se sastoji od najmanje tri članice i ima zadatak da koordinira aktivnosti žena na nivou IZBUŠ-a. Predstavnica žena u Izvršnom odboru IZBUŠ-a je predsjednica ove komisije.

#### Član 35.

Članove ovih komisija imenuje Skupština IZBUŠ-a na mandat od četiri godine.

### ZAVRŠNE ODREDBE

#### Član 36.

Svi organi IZBUŠ-a se biraju na četiri godine.

# STATUT

## ISLAMSKJE ZAJEDNICE BOŠNJAKA U ŠVEDSKOJ

---

### Član 37.

Svi organi IZBUŠ-a su dužni imati vlastiti poslovnik o radu. Sve što nije precizirano ovim statutom, organi IZBUŠ-a reguliraju poslovníkom o radu.

### Član 38.

Svi organi IZBUŠ-a primjenjuju i koriste prema važećim pravilima vizuelni identitet (logo i znak Islamske zajednice) koji je usvojen od strane Sabora Islamske zajednice u BiH.

### Član 39.

Svi organi IZBUŠ-a imaju pečate okruglog oblika sa znakom Islamske zajednice na kojima je ispisan puni naziv organa na bosanskom i švedskom jeziku.

### Član 40.

U organe IZBUŠ-a može biti biran svaki njezin član s boravkom u Švedskoj, koji je navršio 18 godina, koji je član IZBUŠ-a najmanje tri godine prije izbora i koji izvršava svoje obaveze u džematu.

### Član 41.

Član Skupštine IZBUŠ-a ili drugih organa IZBUŠ-a, odnosno džematskog odbora može i prije isteka mandata biti razriješen dužnosti ukoliko je:

- njegovo ponašanje i rad u suprotnosti s islamskim normama,
- njegov rad suprotan pozitivnim propisima te propisima i odlukama organa Islamske zajednice,
- nesposoban ili nemaran u izvršavanju obaveza u organu u koji je izabran,
- zloupotrebio položaj ili
- podnio ostavku.

Odluku o razriješenju donosi Izvršni odbor IZBUŠ-a, s tim da se ta odluka mora potvrditi na prvom narednom Skupštini IZBUŠ-a.

### Član 42.

Sva normativna akta koja donose nadležni organi na području IZBUŠ-a moraju biti u skladu s odredbama ovog statuta.

### Član 43.

U slučaju da IZBUŠ prestane s radom, sva novčana sredstva koja se u tom trenutku zateknu u kasi IZBUŠ-a, kao i sva pokretna i nepokretna imovina postaju vlasništvo Rijasetu IZ u BiH.

### Član 44.

Ovaj statut, sa svim svojim izmjenama i dopunama u odnosu na prethodni, usvojen je na Skupštini IZBUŠ-a održanoj 24. marta 2018. i stupa na snagu s danom njegovog donošenja. Stupanjem na snagu ovog statuta, prestaje važiti dosadašnji statut IZBUŠ-a.

Predsjedavajući Skupštine:

Jönköping, 24. mart 2018.

Mustafa-ef. Šetkić